

КАНИКУЛ ВЭСЭЛАН ДА КУЛЬТУРНО ЭРТА

Н. Островскийын возымо кнага-шамычым лудын пытарэм

Кызыт мэ, йоча - шамыч, тэлэ каникулым эртарэна. Нойышо ушнам кандарэн, у вийым погэна.

Эрдэнэ кынбэлын, йэчим чийэн мунчалтэн кош-таш, йандар шұлышым по-гай могайэ сай! Мунчал-тэн толамат, кнагам лудам. Адакат йужыш лектын кош-там.

Тэлэ каникул жапыштэ мый Н. А. Островскийын возымо „Как закалялась сталь“ дэн „Рожденные бу-рей“ кнага-шамычым лу-дын пытарэм. Тэвэ мыйын ончылнэм — „Как закаля-лась сталь“. Лудаш тўна-латат, чарнаш ок лий. Граждан сарыштэ крэдал-шэ Островский айдэмын вурс гай шуаралтмыжэ нэр-гэн пэш чаплэ кнагам во-зэн.

Федотов И.

Кузнэцово пэдучилищыштэ ту-нэмшэ.

Мый издэр дэнэ мунчалташ йоратэм

Мэмнан йал покшэлнэ пэш сылнэ корэм уло. Тидэ корэмын курыкшо—мэмнан вэсэлан мунчалтымэ вэрна.

Мый эрдэнэ кынбэлын издэрэм наламат, викак ку-рык сэрэш куржам. Йол-



ташэм-шамыч дэнэ пырля погынэн мунчалташ тўна-лына.

Утларакшым мый издэр дэнэ мунчалташ йоратэм. Каникул жаплан ачам лў-мын у йытыра издэрэм на-лын пуэн. Мый тидлан пэш куанышым.

Каникул жапэм курык ўмбалан вэсэлан эртарэм.

Рябинин Сэмон.

Ронго р-н, Кужмарий йал-совэт, Лай-сола йал.



„Ленин в Октябре“ кинофильм гыч. Сўрэтыштэ: В. И. Ленин дэн пашазэ Василий.

Йэчэ—йоратымэ йолташэм

Мый физкультур пашам пэш йоратэм. Кызыт эрэ йэчэ дэнэ коштам. Тидэ кэчылаштэ Йошкар-Олаштэ эртышэ йоча спартакиадыш-тэ участвоватлэнэм. 5 кило-метр коклаш йэчэ дэнэ каймаштэ мый 6-шо вэрэм налым. Шукэртэ огыл Морко сэлэш эртаралтшэ район спартакиадыштэ пэр-вой вэрэм налынам ыльэ.

Мый республик спарта-киадыштат ончыл вэрэм налаш шонэнам ыльэ. Но

мый дэчэм вийанрак кайшэ-шамыч мыйым эртышт. Мый нунын сэмынак кош-таш тунэмаш шкэ он-чыланэм задачым шындем. Шушаш спартакиадыштэ ик эн ончыл вэрэш лекташ шонэм. Йэчэ дэнэ коштам пэш йоратэм. Йэчэ—пэш чот йоратымэ йолташэм.

Алэксейэв Борис.

Морко район, Кугу Кожлайал пэлэ кыдалаш школ, 6-шо класс.

Шахмат дэнэ модаш тунэмам

Шахмат дэн шашкэ мо-лышым мый пэш йоратэм. Йара жап годым эрэ мо-дам. Но альэ мартэн са-йын модын ом мошто ыльэ. Шахмат дэнэ модаш мы-йым йолташэм Ласточкин И. туныктэн.

Кызыт, каникул жапыш-тэ, школыш кажнэ кэчын модаш коштам.

Силантьев П.

Ронго район.

Йэчэ дэнэ нормым сдатлэна

Каникул жапнам вэсэлан, культурно эртаршашлан, мэ ончылгочак планым ыштэн йамдылэн улына. Кузэ мо-даш, кунам мо дэнэ мун-чалтышашым ончылгочак палэн шогышна.

Кызыт йэчэ дэнэ сорэв-новатлэн коштына. Кажнэ БГТО значоклан нормым сдатлышаш вэрч тырша.

Каникул жапыштэ чыла-нат БГТО значоклан тэлэ нормым сдатлэна. Онгэшна БГТО значокым пыжыктэн, у вий дэнэ школыш кайаш йамдылалтына.

Литвин Йыван.

Йошкар-Ола район, кузнэцово пэдучилищэ.

Катокна йандаула йылгыжэш

Мэмнан школ лийшнэ пэш сылнэ энэр уло. Тидэ энэр ий ўмбалнэ вэсэлан модын каникул жапнам эр-тарэна.

Каникул тўналмэ дэч он-чычак энэр ийым тўрлатэн



катокым ыштышна. Каток пэш мотор лийэ, йандау гай йылгыж шинча. Кэчэ йыда погынэн, тидэ каток-кышто коньки дэнэ мун-чалтэна.

Мэмнан коклаштэ коньки дэнэ эн сайын Киртайэв Никифор мунчалта. Тудо мунчалташ тўналшэ мола йоча-шамычынат туныкта.

Ий ўмбалнэ мунчалташ пэш сай. Йара жапнам ши-жынат огына кэрт, вэсэлан эрта. Капнам пэнгьдэмдэ-на, у вийым погэна.

Орэхов Йогор.

Ронго район.

Н. Островский лўмэш сылнэмутан журнал

Кужмарий пэлэ кыдалаш школышто тунэмшэ-шамыч (Ронго р-н) писатэль Н. Островский лўмэш сылнэ-мутан журналым луктыт.

Журналэш Н. Остров-скийын биографийжым да тудын произвэдэньжэ гыч ужашым кўчыкын пэчэтлы-мэ.

В. Загайнов.

А ЧОДРАШТЫЖЭ МОГАЙ САЙ!

Мэмнан дэкэ пийалаи у ий толын. У ийын пэрвой кэчыштыжак мэ каникулыш кайышна. Мэ каникулым йатыр ий годсэк эртарэна. Но тыгай вэсэла, тыгай куандарышан каникулым альэ ужын огынал. Мланна канаш чыла условийым ыштэныт.

Пэрвой йанварышштэ школыштына йолка пайрэ-мым эртарышна. Кажнэ тунэмшэ шкэ моштымы-жым, куанжым ончыктэн. Кажныжэ куштэн, модын, воштылын. Шукышт почэ-ламутым ойлэныт, мурым мурэныт. Школым кодэн каймат ок шу ыльэ.

Но мбнгыштат пэш вэсэ-лан канэна. Мэмнан йал воктэнак кугу курык уло. Тушто мэ йэчэ дэнэ, издэр дэнэ мунчалтэна.

Тушкан погынэн йэчэ дэнэ пасу йыр коштына.

Коклан вич километр кок-лаш учашэн кайэна.

Адак йужгунам погыне на да йэчэ дэнэ чодраш кайэна.

Икана мэ чодраштэ марагым ужна. Ончэна: мэмнан ончылно „бушт“ шоктыш. Изиш лиймэк мараг тўрштэн лектэ. Мэ мараг почэш! Мараг чыма вэлэ кудалэш. Мэ кышажэ



почэш поктэна. Тудым ку-чэн школыш пўлўклан нан-гайэна ыльэ, но ыш логал. Ош вургэмым чийшэ мара-нын почшым вэлэ ужын кодна.

Чодраш эша кайаш шо-нэна. Тушто пўртүс пэш сўрал. Олача вургэмым чийшэ пушэнтэ-шамыч мар-дэжан годым „тышкэ тол-за“ манмэ сэмын мэмнам ужшыла койын шогат. Пэш сўрал пўртүс! чодраш пурэт гын, лекмэлат ок шу.

Эрла мэмнам туныктышо Уткин Николай Стэпано-вич „Ленин в Октябре“ кино ончаш нангайаш сўра.

Пионьэр-шамыч: Изиба-йэв А., Стольбаров С., Йаб-локова Е.

„Марий йал“ колхоз, Йошкар-Ола район.

ЛЭНИН НЭРГЭН ПЭШ ЧАПЛЭ ФИЛЬМ



В. И. Ленин дэн пашазэ Василий.

Ленинын образшым раш ончыктым

Тидэ кэчылаштэ Йошкар-Оласэ кинотэатрын экраныштыжэ шэмэр-шамычын пэш чот вучэн илымэ „Ленин в Октябре“ фильм ончыкталтэш.

Тидэ фильм туньамбал пролетариатын вождышый—Владимир Ильич Ленинын образшым путырак сайын, чын ончыкта.

1917 ийсэ шыжэ. Большевик партий Врэмэнный правительством сұмырал шүүн властым шэмэр-шамыч кидыш налаш йамдылтэш. Властым кидыш налаш ик корно вэлэ—жаныш шуйыдэ пашазэ классым вооружонно восстаныш киньбэдаш. Тидэ кланжым шуктышашлан Владимир Ильич Петрогра-

дыш вашка. Центральный Комитэтын лұмын ойрымо пашазэ Василий Владимир Ильичым Финляндий гыч сайын аралэн конда. Вокзалыш кондэн шукта да паровозым мучыштарэн вокзал дэч брдышкё нагайа. Василий дэн Владимир Ильич паровоз кабин гыч лэктын Василийын пачерышкыжэ кайат.

Чумыр фильм—Владимир Ильичын вооружонно восстаным вуйлатымэ, шэмэр калыкын пийалжэ вэрч илышжымат чаманыдэ кучэдалмэ образшэ. Ленинын эн лишыл йолташыжэ—И. В. Сталин лийын.

Фильм Октябрынын сэнгымжэ дэнэ пыта.

И. А.

Тидэ фильмым ончаш—кугу пийал

Мыйат „Ленин в Октябре“ кино фильмым ончышым. Тидэ фильмым ончымаш—мыланэм пэш кугу пийал. Тушто мый Владимир Ильич Ленинын путырак кугу пашажым ужым. Мыланна пийалан илышым ыштышаш, вэрч Владимир Ильич уло вийжэ дэнэ кучэдалын. Тудын вуйлатымэ почэш мэмна ачана Кугу Октябрысэ революцийыштэ пойан кашакым сұмырэн шүүн, властым шкэ кидышкышт налыныт.

„Ленин в Октябре“ фильм Владимир Ильичын образшым путырак сайын ончыкта.

Пурьшэва Нина.

Рокго район, Чкаринск пэлэ кыдалаш школышто тунэмшэ.

Иэчэ дэнэ кузэ коштман


Иэчэ дэнэ сайын мунчалтэн моштышашлан лийын, чот тунэмаш кўлэш. Пэрвой тёр вэрыштэ кошташ тунэмман.

Мэмнан сүрэтлаштэ йаклаштын ошкылмым ончыктым. Тэ ужыда: кажнэ тошкалмыжэ йэда йэчызэ шэнгелан кодшо йолжо дэнэ шўкалалтэш, варажэ чумыр капшыгэ ончык йолжо умбак кусна.

Шўкалалтэ тўналмым 1 шэ дэн 2-шо сүрэтыштэ ончыктым. Иэчэ шэнгэкыла ынжэ чымалт манын, пэш шыман, шэкланэн шўкалман. Движэныжым эркин-эркын писэштарэн, йэчызэ вийанрак шўкалалтэ тўналэш (3-шо сүрэт).

Варажэ йэчызэ коньки дэнэ мунчалтымэ сэмынак мунчалтэн ошкылэш. (4-шэ дэн 5-шэ сүрэт). Вэскана тошкалмэ годым вэс йол дэнэ шўкалман (6-шо сүрэт).

Иэчэ дэнэ мунчалтэн ошкылаш йамдэ йэчэ корнэш тунэмман. Иэчэ то-йа-шамыч шкэндым тёр кучэн кайаш, адак ончыко шўкалалтэ (утларакшэ кукырыш кўзымб годым) полшат. Кошгмо годым кыл дэнэ пэш шук-к шўкыман огыт; утларак пашажым йоллан ыштыктыман. Мунчалтэн ошкылаш тунэмшашлан пэрзой ик мыньар кана тойа дэч посна коштын савырныман.



Иэчэ дэнэ коштмо тэхникым эрзак тунэмаш

Мый йэчэ дэнэ кошташ 5-шэ классыштэ тунэммэм годым тўналым. Пэрвойжо чўчкыдын камбозам, нойэм ыльэ Варажэ сайын коштын мошташ тунэмым. Кызыт кэчэ йыда эрдэнэ, кэчывалым, кастэнэ мунчалтэн коштам. Иэчэ мыйын капэм пэнтгьдэмдаш полша.

Кызыт мый Торйал районысо пионьэр-шамыч кокла гыч ик эн талэ йэчызы-

лан шотлалтам. Районышто эртышэ йоча физкультурнэ спартакиадыштэ удыр-шамыч кокла гыч йэчэ дэнэ пэрвой вэрым налынам. Мыйым йэчэ дэнэ премироватлэныт.

Мый тыжак ом шогал. Йэчэ дэнэ коштмо тэхникым кэчэ йыда тунэмшын шога, адакат талырак йэчызэ лийаш тыршэм.

Малинина Варвара.

У Торйал пэлэ кыдалаш школ.

ГУДОК

(Умбажыжэ. Тўналтышыжэ кодшо М-лаштэ.)

Шкэнжым куштын шуат, манын шоньдэ, тудо вудым окналашкэ шыжыктылаш тўнальэ. Шокошо вуд дэнэ йўлэн окна шэнгэлнэ кычкырыммын колын, йышартымыж дэнэ тудо дикарыла куштэн. Ындэ, коккод шамыч коклаштэ шинчол, вуйжым лүкдэ, брандс-койтым савыркалэн, окнамашыш шокошо вудым чарныдэ шыжыктэн.

Тудын шўмжэ онжо гыч торштэн лэксаиш гай вуржыжэш. Чумыр котэльный мар дэнэ тэмьн. Кўвар мучко шокошо вуд йога. Тудлэч Андрей под шындэмэ кўшкакаштэ шога аралалтын. Шўлашыжэ йёсб лийын, кыдышым йўлалта.

Но лэктын кэртдымэ нэргөн шоньмаш тудым адак вастарэш шогыктэн.

Мугырымаш ола мучко шарлыш.

III.

Васильок смэныш толшо пэрвой пашазэ тўшка дэнэ заводыш пурьш. С-рьога кугызажым пошкудо-шамычын кузэ пуштмышт нэргэн тудо кузэ гынат Андрейлан оллаш шонэн.

Пашазэ-шамыч коклаш

2-шо могыр. „Йамдэ лий“.

шылын, сторож-шамыч дэнэ вашлиймэ дэч корангыштын. Васильок ик кана вэлэ огыл паша жап годымат изажэ дэчэ пурэдэн. Изажлан мо



дэнэ гынат пайдалэ лийаш тыршэн чўчкыдынак чумыр смэнэ мучко тудын дэнэ эртарэн. Кочэгар пашам писын умлэн налшэ тидэ чолга йочам кочэгар шамыч йоратэныт.

Ик кана тудо пан Струмилын шинчашкыжат нэргэн, но кочэгар-шамыч икшывым аралэн налыныт, да

механик кыдышым вэлэ лупшалын. Икшывэ кочэгар-шамычлан вагон гыч шўым йастараш польшкэлэн, котэльныйштэ чыла пурьмо-лэкмэ корным шинчэн да омсалаштэ шогышо контрольор-шамыч ужэдак пурэн лэктын кошташыжэ кэлшышэ вэрым муын. Тудо шў оптымэ кудвэчыш пурэн, кумда вентиляционнэ пучыш кўзэн, тидэ пуч дэнэ йўлэн пытышэ шўй кучам оптымэ выньэм дэчэ волэн. Варажым кўртнэ бал дэнэ тудо шў выньэм дэчэ мийэн, а тужэч, кок-кум комля антрацитым сұмырэн, котэльныйш, шў налмэ выньэмыш логалын. Шкэнжын сэкратшым Васильок нэгеланат, изажланат шиштарэн огыл. Вучыдэ-гызэ, контрольор-шамыч шижэдак пурэн шогалын, шкэнжын писылыкшэ дэнэ кочэгар шамычым брыктараш тудлан сай чўчын.

Котэльныйш Андрейн тўкылалтмыжым, тудым пушташ шоньмыштым палэн налмэкшэ Васильокым шўчкылык авалтын. Лэгионьэр-шамычын котэльныйш пураш тыршыштым икшывэ лўдшэ шўмжэ дэнэ эскэрэн.

Тидэ тыршышым сұмырлымэк, тудо мучашдымын куаныш. Васильок пашазэ-шамыч коклаштэ куршта-

лыштын, тич вўданшэ шинчажэ дэнэ сбрвалэн ончэн, палымэ кочэгар-шамыч дэч йодышты.

—Каласэ, кугызай, нуно тудым мом ыштат?

Кочэгар-шамыч нымомат пэлэштэн огыт ул. А иктыжэ тудым кыдшэ гычкучэн, брдыжышкё корандэн:

—Альэ илышэ улат, сордор курж! Иктэ шкаланжэ вэрэштэ... Альэ шокошо кыд йумалан тыйат вуйэтым савыралыктынэт?

Васильок тудлэч савырэнэн шгалэ. Шинча вудшым йоктарэн, лэгионьэр-шамычын мом ыштымыштым ончаш адак куржо.

Завод кудвэчэш авырэн шогалтымэ чыла пашазэ-шамыч котэльныйштэ мо лийым ончэныт. Оружыян лэгионьэр-шамычлан ик йэнын вуй пудымыжо шўмым брыктарэн. Нэлэ паша дэнэ ындыралтшэ, шўлыкан йэн-шамыч ик йэнын чакныдэ шогымаштыжэ шкэныштын пассивнэ улмыштан шылдалалтым шыжыч. А мўгырымаш тидэ нэргэн ик минутланат мондаш пуэн огыл. Птахан мо лийшашыжэ ынде чыла-мат кэлгын тарватыш. Тудлан вишак, утларакшэ удрачаш-шамыч, куанаш тўналыч. Шыдэшкымаш йук-шамыч шоктышт:

—Ончашыжэ вожылаш-

да кўлэш ыльэ, пбрийн-шамыч! Иктым колаш ко-дэн улыда...

—Утларакшэ ватэ-шамыч дэнэ крэдальда...

Удрамаш-шамыч кычкырымш дэнэ, гудок дэнэ да лийшэ чыла дэнат таранышэ-пашазэ-шамыч кудвэчэ гыч каймэ дэч отказатлышт. Лэгионьэр-шамыч штыкыштым ходыш колтышт. Кавалэрист-шамыч нуным имньышт дэнэ ишен-лупш дэнэ кырэныт. Пэш чот шыдэшкышэ пашазэ-шамыч ик лэгионьэр-имньэ умбач шўдырэн волтышт. Лэгионьэр-шамыч тудым пыкшэ утарышт. Лэгионьэр-шамыч эскадрон кудвэчым пыкшэ гына эрыктыш.

Васильок шкаланжэ вэрим муын огыл. Тидэ куршталшэ изи капан йэным лэгионьэр-шамыч ужыныт.

—Эй, тый! Мом тыланэт тыштэ? Шога! Куш куржат?—тудын умбак иктэ кычкыралэ.

Васильок калык коклаш чымалтэ да кынэврвуй дэнэ, вуй дэнэ шўкэдылын эн шыгырыш пурьш. Кучэн кэртмышт дэч лудын, тудо служэбный ход гоч шў оптымэ складаш куржо. Шкэнжын пурэн коштмо вэржэ нэргэн тужак вэлэ ушышкыжо пурьш...

Умбажыжэ вэс М-што.

Николай Алэксэйэвич НЭКРАСОВ

КУГУ РУССКИЙ ПОЭТЫН КОЛЫМЫЖЛАН КУДЛО ИИ ТЭМЭ

Поэтын илышыжэ да пашажэ

Н. А. Некрасов 1821 ийыштэ помэщик-офицэр йэшэш шочын.

Н. А. Некрасовын йоча годсо илышыжэ Йарославль ола лишнысэ Грешнэвэ имэньыштэ пэш йбсын шинча вүд йбрэ эртэн. Ачажэ тудын шкэ крепостной кресаньыкшэ-шамычым вэлэ огыл, тыгак шкэ йшыжымат чылтак крепостной, тиран сэмьн шинчырыштэ кучэн. Н. А. Некрасовым ачажэ пэш шуко кана лупш дэнэ кырэн, но тудо адакат коч момат эрэ шкэ сэмьнжэ вэлэ ыштэн, ачажым колыштын огыл.

Тыгай йбсэ илышым Н. А. Некрасов колымэш кыжэ мондэн огыл. Тудым аважэ гына йбрэтэн, чама-нэн. Моло чыманышэ нэгэат лийын огыл.

Н. А. Некрасов 12 ийаш улмыжо годым Йарославский гимназийыш тунэмаш пура. Гимназийсэ илыш самырык Некрасовым нигу-нارات ок куандарэ, тудын кумылжым волта вэлэ. Гимназийыштэ казёонщинэ улмыланак Некрасов ёрканэн да начар тунэмын. Но тушто Байроны, Пушкинын произвэдэньыштым лудын. Варажы гимназийсэ начальствэ дэн Некрасов коклаштэ отношэньэ утыр шужлэн. Гимназистлан ачажат полышым шагала пуэн. Сандэнэ Н. А. Некрасов гимназийым тунэм пытары-дзак кодэн кайэн.

Вара ачажэ тудым Пётэрбургысо войэннэ училищыш тунэмаш колта. Н. А. Некрасов ачаж ойым ок колышт. Пётэрбургысо войэн-нэ училищыш огыл, а уни-верситэтэш тунэмаш пура. Тылэч вара ачажэ Н. Алэксэйэвичлан пэш чот сыра, да полыш пумын йбршын чарна. Н. А. Некрасовлан материалнэ шотышто йорлылыкым чы-таш лярна. Тидэ жапыштэ тудо литератур пашаш пэш чот пижэш: стихым, ойлымашым да статья-шамычым возгала.

1840 ийыштэ Н. А. Некрасов "Мечты и звуки" луман пэрвой почэламу-т сборникым пэчэтлэн лук-тэш. Тидэ сборникыштэ

улшо почэламут - шамыч вишкыдырак лийыныт.

1842 ийыштэ Н. А. Некрасов Балинский дэнэ палымэ лийэш. Тудын кружокыш-тыжо пашам ышташ тунг-лэш. Ик мынгар жап гыч тунамсэ талантливый писа-тэль-шамыч Чернышевский, Добролюбов, Толстой, Достойэвский, Гончаров,

красный нос", "Размыш-ления у народного подъез-да", "Кому на Руси жить хорошо" — произвэдэньы-лаштыжэ Н. А. Некрасов крепостной строй годсо нэлэ, йбсэ условий-шамы-чым, помэщик - шамычын кресаньыкым пэш чот ын-дырэн ашнымыштым, чыташ лийдымэ нэлэ, крепостной



Тургэнэв дэкэ лишэмэш.

1847 ий гыч Н. А. Некрасов "Современник" журналын редакторжэ лийэш. Журналым лукмаштэ Чернышевский дэн Добролю-бов пашам ыштат. Кугы-жан правительствын "Современник" журнал лука-шым пэтырмыж дэч вара Н.А. Некрасов, "Отечествен-ные записки" журналыш паша ышташ кусна.

1875 ий гыч чэрлын илаш тунгалын. 1878 ийыштэ 8 йанварыштэ кугу поэт Н. А. Некрасов колэн.

Шкэнжын возымо "В доро-ге", "На Волге", "Орива-мать солдатская", "Мороз—

пашам, эн чотшым, крэ-саньык ўдрамаш-шамычым орландарэн ашнымым пу-тырак кэлгын ончыктэн.

"Песнь о разбойнике Ку-деяре", "Песнь Ермушки" почэламулаштыжэ помэ-щик строй ваштарэш ку-чэдалаш, нунылан ўчы-шукташ ўжын. "Железная дорога", "Плач дётей тулэч моло почэламулаш-тыжат кресаньык-шамычым, йоча-шамычым помэщик-шамычын пэш чот экспло-атироватлымыштым пэш са-йын сүрэтлэн кодэн. Н. А. Некрасовын поэзийыштыжэ эн шэргыжэ тидэ: Некра-сов революционный иде-йым кумдан шарэн, роди-ным, калыкым йбраташ ўжын. Тудо шкэ почэла-мутшо дэнэ шкэ эпохысо ончыд йн-шамыч само-дэржавий да крепостной строй ваштарэш кучэда-лаш тарватэн.

Н. А. Некрасов шкэ по-эзийжым калыклан возэн. Садлан тудын возымыжо илыш дэч ойырлыдымо, илыш дэнэ пижын шогы-шо лийын. Некрасов калы-кын вийжылан ушанэн. Он-чыкжым калык шкаланжэ эрыкым сэнгэн нэлэш, ма-нын раш палэн.

Тэвэ молан мланна Нэ-красов шэргэ. Тэвэ молан тудын колымыжлан 60 ий эр-тэн гынат, мэ тудым кугун пагалэна.

В. И. Иванов.

А. Н. НЭКРАСОВ.

ШКОЛЬНИК

—Ну, куда-ли, йумылан кбра! Кава, кожэр да пэсок— Вэсэла огылыс корно... Эй, мыйдэкэм шич-йа дружок!

Йол чара, кап лавран, Изиш вэл лэвэдмэ онг Ит вожыл! Могай паша? Тидэ шуко славный-влакын корно.

Ужам мый котомкашэ кнагам. Тугэ, тунэмаш тыйэ кайэт... Шинчэм, ачажэ эргыжлан Пытаргыш кумыржым кучэн, Шинчэм, шонго дьачок ватэ Чэтвэртак оксам пуэн. Кудал эртышэ купэч ватэ Чайланжэ пблэклэн.

Ала, можыч, тый дворовый Колтымо гыч улат!.. Ну, мо адан! Случай тидэ уак огыл— Ит ойгыро, от йом садак! Вэлкэ шкат палэт школышто,

Кузэ мужик—архангэльский Ышкэнжын да йумын эрык дэнэ Пэш ушан да лийын вэликий.

Поро чон дэч посна огыл туньаштэ— Иктаж кб Москвашкэ нангайа, Лийат университетыштэ Омэт ыштатл шуэш вара.

Тушто корно вара кумда: Пашам ыштэ да ит лүд... Вот тидланак тыйым кэлгын Йбрэтэм мый шочмо Русь.

Пойанлыкдымэ огыл ты пүртүс, Колэн огыл альэ тудо край, Мо луктэш калык лонг гыч Тунар славныйым чарныдэ— Тунар поро, благородный,

Чон дэнэ йбратышэ вийан-шамычым Шкэныштым чийалтышэ шамыч-коклаштэ.

А. Н. НЭКРАСОВ.

ТҮРЭТДЫМЭ АНГА

Шыжэ мучаш. Корак-шамыч чонгэштэн кайэным Чарангын чодра, пасу шамыч пустангын.

Лачак иктэ түрэтдымэ анга... Ойго шонымашым тудо конда.

Мутланат дыр парча-шамыч эркын ваш-ваш: Йокрок мланна шыжэ мардэжым колышташ,

Йокрок мландэ маркэ шогаш пүгырнэн Тэмшэ пырчым пуракэш йуштылэн.

Мэмнам йүд йэда станциэ тла, Кэч могайэ сут кайык чүнгалын эрта,

Мэран тошка мэмнам, мардэж кыра мэмнам Кушто мэмнан куралшэ? Мом вуча эша?

Аль мэ молын дэчым шочын улна удан? Аль пэлэдын вуйангын огына ул тўшкан?

Укэ! Мэ она ул уда молын дэч—да шукэртак Тэмьн да шуын пырчына.

Лупшэн пытараш огыл шыжэ мардэжлан Тудо куралын да үдэн мэмнам?..

Мардэж нунылан ойго ваш мутым конда: —Вийжэ укэ тэндан куралшыдан.

Шинчэн, молан тудо куралын да үдэн, Да вийжэ шутыдымо пашалан пижылдэн.

Йбсэ йорлылан—ок коч да ок йў Тудын чэрлэ шўмжым шукш кочкэш,

Нинэ каш-шамычым куралшын кидшат Кошкэн шанчаш ганьэ, сакалтын лупш гай,

Шинча пычкэмшалтын да йомын йукшат: Тудо ойганышэ муро-шамычым мурэн.

Шогашкэ киддэнэ вочшо сэмьн, Куралшэ шоналын анга дэнэ кайэн. М. С. кусарэмэ. Почэламут-шамычым смысл почэш кусарымэ.



Художник Степановын карикатуржо (1854 ий). Григорович, Тургэнэв, Островский, А. Толстой ышкэныштын руко-писыштым "Современник" журналыш нангайат. Жур-налын редакторжо-шамыч: Некрасов дэн Панайёв нуным куанэн вашлийыт.



"Кому на Руси жить хорошо" поэмалан Кустодиевын сүрэт-лийышжэ.

РОШТО КӨЛАН ПАЙДАЛЭ?

Кодшо статьяшэ мэ Христосын нигунамат илыдымыжэ да шочдымыжо нэргэн, рошто пайрэмын христиан-шамычын йатыр курым ожно йазычэский калык дэч заимствоватлымышт нэргэн ойлышна.

Рошто пайрэмын нэгызыштыжэ тошто, дикарский, религиозный пайрэм кийа. Йодылтэш: тидэ пайрэмын—дикарствын кодшыжым—йумылан ушанышэ шамычын ыштымышт көлан пайдажэ?

Эн ончычак капиталистический эллаштэ религий дэн поповский дурманын көлан пайдам кондымышт нэргэн ончэн налына. Мэ палэна, капиталистический эллаштэ пашазэ дэн шэмэр кресаньык-шамычын положенышт пэш нэлэ. Но капиталистический эллаштэ йумылан ушанышэ шэмэр-шамычлан нунын кумалмышт, рошто гай пайрэмын-шамыч полшэн кэртэт мо? Конэшне укэ, огыт полшо.

Поп-шамыч тыгэ проповедоватлат: пуйто шэмэр-шамычлан нэлэ илышым, капиталист дэн помэщик-эксплоататор-шамычын йанлык сэмын мыскылымыштым нимогай вуйшиймаш дэч посна, шкэ эрык дэнэ да охота дэнэ чыташ күлэш.

Осаллан вий дэнэ ваштарэш шогыман огыт—тэвэ мом йэвангэльский Христос проповедоватла. Тидэ шэмэр-шамычлан капиталист дэн помэщик-шамыч власть ваштарэш восстатлаш ок кұлым, йуштым, шужымашым, угнэтэным да правдымылыкым покорону чыташ кұлым ончыкта. Тыланэт суткашэ 14-18 час паша ышташ кұштат гын,—тидэ осаллан вий дэнэ ваштарэш ит лий! Тыйым завод гыч урэмыш луктын кудалтат, тыйын йэшэт шужэн колымашыш шуэш,—чытэ, осаллан вий дэнэ ваштарэш ит лий! Помэщиклан оброк тұлаш тыйын пэртэт гыч чыла шурным луктын налыт, вұтат гыч вольыкэтым луктын кайат—шып лий, вэс шұргэтымат совыкташ шындэн пу!

Фабрикант дэн помэщик-шамычын заказышт почэш поп дэн сэкτανт-шамычын вожакышт Христос мландэ умбак чын „тынысым да айдэмэ коклаш влаговолэным“ кондэн манын доказыватлат. Но тидэ „тынысшэ“ тэвэ мо лийэш: шэмэр-шамыч игылтамашым тынысын чытышап улыт, помэщик дэн капиталист-шамыч властым сұмыраш тōчыман огыт. Тыгай, тыныс“ да тыгай „влаговолэнышэ“ эксплуататор-шамычлан пэш пайдалэ, шэмэр-шамычлан пэш осал.

Религий да, тугак религиозно рошто пайрэм господствуйущий класс-шамычын кидыштышт шэмэр-шамычын ондалымэ средствалан шотлалтыт. Калыкым аныртарэн, религий капиталист-шамычын кидыштышт шэмэр-шамычын сознаньыштым пычкэмышан-

дарымэ, нуным капиталистический куллыкын да фашист режимын чын причинышт дэч корандымэ шотышто изи огыт рольым модын. Мэмнан дэнэ, Совет Ушэмыштэ, пашазэ дэн кресаньык-шамычын 20 ий господствоватлымышт годым шэмэр-шамычлан чынак пийалан илыш ышталтын. Мэмнан дэнэ эксплуатаций укэ, правдымылык укэ шужымаш, йуштō, кұчызылык да пашадымылык укэ. Шэмэр-шамычлан тидэ пийалан илышым кө луэн? „Спаситель“, религий альэ йумо? Укэ шэмэр-шамыч шкэ шкэныштын собственэ вийышт дэнэ, шкэныштын родной Ленин-Сталин партий вуйлатымэ почэш социализмым ыштэныт, шкэнышт пийалан илышым завоёватлэныт.

патлат: нуно шкэ тушман тусыштым религиозно дурмандыч утаралтдымэ йужо шэмэрын авторитэтышт дэнэ лэвэдаш тōчат. Днэпропэтровский „чытырышэ-шамыч“ религиозно сэктыштэ (шкэ йумыштан кумалмышт годым нуно чытырат) пашазэ удрамаш Г-скайа шогэн. Пашазэ удрамашын лұмжō дэнэ „чытырышэ-шамыч“ чыла вэрэ козырьатлэныт. Тидэ жапыштак нинэ „чытырышэ-шамыч“ коклаштэ, нуно тидэ Днэпропэтровский область кургнйō корныштак ыштат улмаш, диверсант-шамычым вэрэштмэ. Мутат укэ, Г-скайа лұмжō нунын калык ваштарэш ыштымэ подлый пашаштым лэвэдаш вэрч гына служитлэн.

Шуко поп да сэктын во



Социализмын сэнгымашыжым калык тушман шамыч ваштарэш кучэдалмаштэ завоёватлымэ. Кугу Октябрь социалистический революцийын шакшэ тушманжэ шамыч коклаштэ христианский поп, мусульманский мулла, йэврейский раввин, түрлō сэкτανт-шамычын вожакышт шагал огыт вэрым налын шогат.

Тэвэ поп-шамычын тушман пашаштым разоблачитлышэ ик мынбар факт.

Поп-шамыч стахановский движэнын фабрикаштэ, совхозлаштэ, колхозлаштэ паша производительность кугэмдымашым, а тыгэжэ совет пашазын, колхозник-шамачын илышышт сэйемым шинчат. Но тидэ калык тушман-шамычлан пайдалэ огыт. Поп-шамыч мом ыштат? Нуно посна стахановец-шамычлан письмам колтат да нуным стахановский метод тидэ „сулык“ манын ушандараш тōчат.

Тыгэ йужо попшо ышта. Молыжо вэс сэмын высту-

жакышт фашистский разведкын шпионышт лийын разоблачатлалтын. Белоруссийыштэ, Украиныштэ, Башкирийыштэ, Ойротийыштэ, Таджикистаныштэ, Азербайджаныштэ, Ленинградский дэн Калининский областьлаштэ да Совет Ушэмын моло вэрлаштыжат поп-шамыч дэн сэктын вожакышт коклаштэ шпион-шамычым вэрэштмэ.

Тыгэ, религийым кө поддэрживатла, рошто нэргэн басня дэнэ шэмэр-шамычым аныртарымаш көлан пайдалэ? Тидэ капиталист дэн фашист-шамычлан пайдалэ.

Мэмнан элыштэ шуко пашазэ дэн колхозник-шамыч йумылан огыт ушанэ да религиозно пайрэмын огыт ыштэ. Религийын осал улмыжым чыла шэмэр-шамычлан умылашышт кұлэш, нуно умылышт: поп дэн поповский пайрэм-шамыч калыклан осал дэч молыжым нимо-мат кондэн огыт кэрт.

Ф. Олэшук.

ФАШИЗМЛАН МУЧАШ!

Гранат пудэштэ,
Шаланыш бомбо—
Пулэмьот пэш талын тототла.
Испаний калык:
Эргэ, ўдыр
Элжэ вэрч вийан шога.

Фашизм-шакшэ
Оршо ганьэ
Испанийым тōча налаш;
Испанец-влакым,
Сатшым, нуржым
Шона лавраш йоршэш тошкаш.

Укэ, укэ!
Испаний калык
Огэш лий тошто ганьэ кул!
Луктэш фашизмын
Йоршын кұрышт—
Чўкталтэш Октябрь тул!

Ит шоно тый,
Фашистский бандэ,
Испанийым сэнгаш, толаш.
Чын вэрч шогалшэ
Эрыкан Испанийым
Ок лий нимо дэн шалалташ!

Ок лий тудым сэнгаш,
Кō родинэ вэрчын
Уло он дэн шога вийан.
Республик вэрчын
Луктын вийым
Фашистын сэнгаш кайат чылан.

Кушкэш вийангын
Кажнэ кэчын,
Пэнгыдэмал народный фронт.
Чыла лука гыч
Кайыш шэргылт:
—Кайэна сэнэн мэ, рот фронт!

Ок лий тудым сэнгаш,
Кō родинэ вэрчын
Уло он дэн вийан пижэш.
Вўда Компартий
Сэнгымашкэ,
Фашизмлан мучаш лийэш!

Макс Майн.

Румынийыштэ у правитэлыштым ыштымэ дэч вара

Румынийыштэ власть дэ-кэ у правитэлыштэ толмаш торговль дэн финансэ туньа могырым кугу реакциейым тарватэн. Тэвэ, эн кұлэшап продуктак кум кэчэ коклаштэ 30 процент кұзэн, американ долларын акшэ 170 гыч 200 румыний лэйыш кұзэн, английский фунт ак 860 гач 920 лэйыш кұзэн, тидыжэ румыний лэйкэнэтэ волымым ончыкта.

Национальнэ банк, кредитнэ учрэдэньэ да сберэгательнэ кассэла гыч пыштымэ оксам мбнгэш налмаш койэш. Оксам мбнгэш налмаш пэш массово лийын, кредитнэ учрэдэньэ дэн сберэгательнэ кассэ управлений окса пыштышэ-шамычын йодмыштым шуктэн огыт кэрт. Вэс элласэ валютым массово налэдымашат уло.

Нормым пуат

Кумыжйал пэлэ кыдалаш школышто тунэмшэ-шамыч ПВХО значоклан нормым пуаш вийан пижыныт. Шукэртэ огыт VII-шэ классыштэ тунэмшэ-шамыч: Максимов В., Кузьмин А., Белов И. нормым пуышт. Кызыт моло тунэмшэ-шамычат пуаш йамдылалтыт. Нуно кружок заньатыш ку-мылын коштыт.

Максимов В.
Морко район.

Григорьев огэшат шоналтэ

Ындэ вашкэ көкымшо чырыкат пыта. Тугэ гынат, мэмнан Вэсшүргō нэлэ кыдалаш школышто улыжат ик номыр пырдыж газэт вэлэ лэктын. Тудыжат начар. Редактыр Григорьев Борис пырдыж газэт нэргэн огэшат шоналтэ.

Пионьэр.
Морко район.

Ответственный редактор—
К. А. ЛЭНСКИЙ.